



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Bona Volvntas Optimæ Consentiens. Seu De Sequendo In  
Omnibus Ductu Providentiæ Diviniæ**

**Foullon, Jean E.**

**Leodii, 1657**

X. Elementorum ordo.

[urn:nbn:de:hbz:466:1-54992](#)

tura aperuerat, inquinati mores obfuscâ-  
rant, Numinis rectoris, judicis, vindicis  
sensum ac metum.

X. Transcendamus tantisper obvias  
*Elemento-  
rum ordo.* illas ingeniis, quamvis hebetibus  
& obtusis, cogitationes: & philo-  
sophicis oculis mundi partes præcipuas,  
structuramque earum ac cursum intuea-  
mur. Terram pondus suum fixit, & cen-  
tro circumligavit: cætera elementa pro  
ponderis sui portione ordinem quæque  
suum obtainent, inter se mirabili conso-  
nantia dissona. Terra frigida frigidæ  
aquæ vicina est: aquam humidam humi-  
dus aër contingit: calido aëri ignis calidus  
superfertur. Contra siccitas terræ humori  
aquæ opposita est: aquæ frigus aëris ca-  
lori contrarium: humor aëris siccitatî  
ignis iniinicuſ. Si ex aliorum philosopho-  
rum sententia placebit aliter de elemen-  
torum numero, ordinéve, aut qualitati-  
bus differere: si corpusculorum, varios in  
situs figurásque coagmentatorum, tria  
quatuórve genera in materiæ primæ &  
elementorum vicem substituere: mane-

bunt nihilominus adjuncta dissimilibus similia, mobilia quietis, cita tardis, dura liquidis. *Quis tam apte singula locis suis disposuit? Quis discordibus indixit concordiam? Quis tam ordinatis inimicitiis concinnissimam amicitiam temperavit?* *Quis legum suarum observantiam hactenus ab illis exegit, & deinceps exacturus est, nisi præstantissima aliqua mens, rerum omnium facultates ac fines infatigabili intellectu complexa, quæ ipse Deus est.* *Audio itaque respondentia undique corpora & elemeta interrogationibus nostris, idem quod mortalium omnium nomine Psalmista canebat, Ipse fecit nos, & non ipsi nos: Ipse regit nos, & non ipsi nos.*

XI.      Ab clementis transcendamus ad Firmamenti magnitudo. cælum, & omisso Solis planetarumque cæterorum, ut mirabiliter constante & composito, ita & satis cognito cursu, solam stelliferi cæli seu firmamenti magnitudinem, altitudinem, velocitatem ex celeberrimis Astrologis metiamur. Terram, quantacumque est, seu milliarium millia novemdecim leucarumve.